

Дунё ишлари машғул қилиб қўймасин



11:30 / 02.06.2022 6517

Шом диёри муҳаддиси Бадриддин Ҳасаний шогирди Абдукарим Рифоийга бир куни дарсга келмаганда шундай деди: «Дунё сизларни бизни машғул қилиб қўйгани каби машғул этиб қўймасин, акс ҳолда, биз надомат чекканимиз каби надомат қилиб қоласизлар».

Бадриддин Ҳасаний ҳаёти ҳақидаги ишончли хабарларга кўра, 55 йил давомида сафардан ташқари ҳолатларда Дамашқдаги «Дорул ҳадис»дан бирон кун узилиб, дарсдан қолмаган. У зот ҳеч қачон ёнбошлаб ётмасди, агар чарчоқ енгадиган бўлса, бошлари орқасига ёстиқни қўйиб олиб ўтирган ҳолларида бироз дам олардилар. Бундай бўлиши вақтларига жиддий эътиборлари сабабли, таълим олиш ёки таълим бериш ёки бўлмаса Аллоҳнинг зикридан бошқа нарсаларга вақтни сарфлаб қўйишдан қўрқар эдилар.

